

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaata allanngortinneqarnissaa pillugu Inatsisartut inatsisaat (KANUKOKA-p atorunnaarsinneqarnerata malitsigisaanik allanngortitsinerit)

§ 1

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersumi, Inatsisartut inatsisaanni nr. 14, 3. december 2012-meersumi allanngortinneqartumi, makkua allanngortinneqarput:

1. § 4, *imm. 1 aamma 2*, imatut oqaasertalerneqarput:

”§ 4. Upalungaarsimanermut Ataatsimiititaliaq 7-inik ilaasorta qarpoq aammalu marluk aalajangiisinnaanatik peqataasartussatut toqqarneqassapput. Ilaasortat marluk Naalakkersuisunit toqqarneqassapput. Kommunit ataatsimoorlutik ilaasortamik ataatsimik toqqaassapput. Nakorsaq Peqqinnissakkut Nakkutilliisoq, Kalaallit Nunaanni Politiit, Arktisk Kommando aamma Kalaallit Nunaanni Rigsombudsmandi tamarmik immikkut ilaasortassamik ataatsimik toqqaassapput. Ilaasortanut tamaginnut taamaaqataanik sinniisussaq toqqarneqassaaq. Avatangiisinut peqqissutsimullu naalakkersuinikkut akisussaasut tamarmik immikkut ataatsimik aalajangiisinnaanani peqataatinneqartussamik toqqaassapput.

Imm. 2. Upalungaarsimanissamut Naalakkersuisup upalungaarsimanissamut ataatsimiititaliap siulittaasua toqqassavaa. Siulittaasup peqannginnerani sinniisussap siulittaasuuneq isumagissavaa. Ilaasortaqaq ataatsimoorluni kommuninit toqqarneqartoq, ataatsimiititaliami siulittaasut tulliatut toqqarneqassaaq. Ilaasortassamik inassuteqarnissaaq pillugu kommunit akornanni isumaqatigiittoqarsinnaanngippat, ilaasortaqaq kommunit akornanni amerlanerussuteqartut toqqaaneranni toqqarneqassaaq.”

2. § 5, *imm. 2*, imatut oqaasertalerneqarpoq:

" Imm. 2. Kommunip upalungaarsimanissamut ataatsimiititaliaa, takuuk imm. 1, 6-inik ilaasorta qarpoq, taakkunannga 4-it kommunalbestyrelsimit toqqarneqassallutik. Taakkunannga 3-it kommunalbestyrelsimi ilaasortaassapput, ilaasorta q ataaseq kommunip teknikkimut ingerlatsiviani atorfeqartuussaaq. Tamatuma saniatigut ataatsimiititaliami kommunip upalungaarsimanissamut pisortaatitaa ilaasortaassaaq aammalu ilaasorta q ataaseq Kalaallit Nunaanni Politiinit toqqarneqassaaq."

3. § 6, imm. 2, imatut oqaasertalerneqarpoq:

" Imm. 2. Annaassiniarnissamut upalungaarsimanerup ingerlanneqarnerata isumagineqarnissaa kommunalbestyrelsip qulakkiissavaa. Aammattaaq annaassiniarnissamut upalungaarsimasunut tunngatillugu apeqqutini tamani upalungaarsimanerup pisortap aamma inuup Kalaallit Nunaanni Politiinit toqqarneqartup peqataatinneqarnissaat kommunalbestyrelsip qulakkiissavaa."

4. § 8 imatut oqaasertalerneqarpoq:

" § 8. Annaassiniarnissamut upalungaarsimasuni sulisut Namminersorlutik Oqartussat aamma kattuffiup isumaqatiginninniarsinnaatitaasup akornanni isumaqatiginninniartoqareerneratigut maleruagassat aalajangersarneqartut tunngavigalugit akissarsiaqartinneqassapput akissaasersorneqassallutillu."

5. § 10, imm. 3, imatut oqaasertalerneqarpoq:

" Imm. 3. Annaassiniarnissamut upalungaarsimasut ajutoortoqarnera, ajunaarnersuarmik pisoqarnera imaluunniit sorsuttoqarnera pissutigalugu pisariaqalerpat kommunip allap, Arktisk Kommando-p (JRCC) imaluunniit politiit tamatuminnnga kissaateqarnerat tunngavigalugu pisariaqartunut ikiutissapput."

§ 2

Inatsisartut inatsisaat ulloq 1. januar 2019 atuutilerpoq.

Imm. 2. Ilaasorta q KANUKOKA-mit upalungaarsimanerup Ataatsimiititaliami siulittaasup tulliatut toqqagaasoq, kommunit ataatsimoorlutik nutaamik siulittaasup tullianik toqqaanissaasa tungaanut, taamatut atuunnermini ingerlaannassaaq.

Namminersorlutik Oqartussat, ulloq 27. november 2018

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut